



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1100. Usque Ad Annum 1143

Fleury, Claude

August. Vind. [u.a.], 1762

VD18 90117999

§. 38. Pontifex & Imperator in Campania.

[urn:nbn:de:hbz:466:1-66385](https://nbn-resolving.org/urn:nbn:de:hbz:466:1-66385)

§. XXXVIII.

Sæcul. XII.
A.C. 1137.*Pontifex & Imperator in Campania.*

Post confertum Viterbii cum Imperatore sermonem Papa ad Urbem movit; sed intrare noluit, ne Romanorum factionibus involveretur. Civitatem vero Albanensem & totam Campaniam suæ potestati subjecit. Papam comitabatur Henricus Imperatoris Gener, cumque prope Montem Cassinum consisterent, illuc miserunt Richardum Papæ Capellanum & illius Abbatæ Monachum, qui exploraret, an venientes recepturi essent, & Innocentio Papæ subdi vellent; quod si facerent, ipsorum monasterium sub Imperatoris præsidio tutum fore promitteret. Rainaldus Abbas, qui se totum Rogerio Regi devoverat, primo quidem repugnans, Papæ nuncium rejecit. Verum post undecim dierum lapsum Henrico Duci se dedit, fixis in muro monasterii Imperatoris Vexillis. Tum Capua etiam cum toto Principatu se submitit, & Robertus restitutus.

Chro. Benev.
Chron. Cass.
IV, s. 105.

Vigesima tertia Maji postquam urbi Beneventanæ Papa & Dux Henricus militem admoverunt, Cardinalis Gerardus ad cives mittitur, ut animos ad pacis consilia flecteret. Obsistebat quidem Rosce-
mannus Archiepiscopus, ab Anacleto Antipapa intrusus, civesque ad propugnandos

Chro. Benev.

D d d 2

dos

Sæcul. XII. dos muros excitavit, sed post unum alte-
A.C. 1137. rumve cum Germanis conflictum urbs
 deditur, quam Papa direptione liberavit,
 captivos dimisit, & exulibus redeundi
 licentiam dedit. Tum Cardinalis Cre-
 scentius, qui partes Anacleti in civitate
 illa tuebatur, in conspectum Innocentii
 adducitur, qui eo remoto Beneventi cu-
 stodiam Gerardo Cardinali commisit.
 Roscemannus Archiepiscopus fuga se se-
 proripuit. Exinde Papa ad Imperatorem
 se contulit, Barium obsidentem, quo ca-
 pto, totam Apuliam sibi subjectam habuit.

Tunc vero Imperator nunciis, ad Rai-
 naldum Abbatem Cassinensem missis, ius-
 sit eum Amalphi adesse in comitiis, quæ
 ad Festum S. Petri in illa civitate cele-
 braturus erat. Sæpius parere iussus,
 tandem Abbas ad Festum S. Joannis cum
 compluribus monachorum suorum, ac
 etiam Petro Diacono & Bibliothecario
 Cassinensi, qui hanc Historiam scripsit,
 itineri se dedit. Tunc Imperator & cum
 ipso Innocentius Papa in castris ad quem-
 dam locum, quem Lacum pensilem dice-
 bant, prope Amalphim degebant; quo ubi
 Monachi Cassinenses pervenerunt, Papa
 missis nunciis præcepit; priusquam ca-
 stra Cæsaris intrarent, ad se venirent nu-
 dis pedibus, & satisfacerent, Pœniten-
 tiam sibi injungi peterent, quod Schisma-
 ti adhæsissent, Petro Leonis anathema
 dice-

dicerent, & sibi Papæ legitimo obedi- Sæcul. XII.
 tiam jurejurando promitterent. His A.C. 1137.
 auditis, Rainaldus Abbas obstupescens
 ad Imperatorem appellat, & promittit
 facturum se, quod ille suassisset. Non de-
 trectavit Arbitri munus inter Papam &
 monachos Imperator, & discutere, an
 pro excommunicatis haberi deberent.
 Ergo Pars utraque oratores deligit, qui
 coram Principe causam dicerent.

§. XXXIX.

*Imperator inter Papam & Monachos
 Cassinenses Arbitr.*

Die nona Julii Imperator hanc causam
 examini subicere cœpit; operam
 suam commodante Peregrino Patriarcha
 Aquilejensi & compluribus aliis Episco-
 pis Abbatibusque. A Summo Pontifice
 delecti aderant Aimericus Cancellarius
 cum tribus aliis Cardinalibus, S. Bernar-
 dus & complures alii. Nomine Cassi-
 nensium acturi venerant Henricus Dux
 Baviaræ, Conradus Dux Sueviæ cum plu-
 ribus aliis proceribus, Henricus Episco-
 pus Ratisbonensis, & Adalbero Basileen-
 sis, qui exinde haud diu superstes fuit.
 Ex his videmus celebratum denique fuisse
 Concilium, cui Imperator juxta Ma-
 jorum suorum exemplum intererat. Pri-
 mo duo Oratores delecti sunt, videlicet

c. 109.

Chro. Saxo
 1137.

D d d 3 Gerar-